



川止  
書經  
再刻後

5/212  
2799  
11-4





2799  
卷一



周書

泰誓上



反非親之也

冢君尊之也越及也

實丁但反誠實無妄之謂

受紂名也酒穢克反沈酒溺于酒也

反割割割也

惟十有二年春。大會于孟津。王曰。嗟我友邦。冢君越我御事。庶士明聽誓。惟天地萬物父母。惟人萬物之靈。實聰明作元后。元后作民父母。今商王受弗敬上天。降災下民。沈湎冒色。敢行暴虐。罪人以族。官人以世。惟官室臺榭。陂池侈服。以殘害于爾萬姓。焚炙忠良。剗剔孕婦。皇天震怒。命我文考。肅將天威。大勳

文三音訓

書經

後泰誓



肆故也

虞且錄及致也夷  
靡語也

案盛

度量度也

貫通盛滿也

宜祭社也塚土天  
社也

未集肆予小子發以爾友邦冢君觀政于商  
惟受罔有悛心乃夷居弗事上帝神祇遺厥  
先宗廟弗祀犧牲粢盛既于凶盜乃曰吾有  
民有命罔懲其侮天佑下民作之君作之師  
惟其克相上帝寵綏四方有罪無罪予曷敢  
有越厥志同力度德同德度義受有臣億萬  
惟億萬心予有臣二千惟一心商罪貫盈天  
命誅之予弗順天厥罪惟鈞予小子夙夜祇  
懼受命文考類于上帝宜于冢土以爾有衆

底致也

底天之罰天矜于民民之所欲天必從之爾  
尚弼予一人末清四海時哉弗可失

泰誓中

又正爾德也

播放也肆黨通黑  
而黃也比必至反  
醜率怒也肆縱也

惟戊午王次于河朔羣后以師畢會王乃徇  
師而誓曰嗚呼西土有衆咸聽朕言我聞言  
人爲善惟日不足凶人爲不善亦惟日不足  
今商王受力行無度播棄黎老昵比罪人淫  
酗肆虐臣下化之朋家作仇脅權相滅無辜  
籲天穢德彰聞惟天惠民惟辟奉天有夏桀



浮通也劉春去也

鑿說也

鑿重也庚平也言其知識不相上下也

亂治也國至也

隨責也揚舉優入也

湯許王反勉也

弗克若天流毒下國天乃佑命成湯降黜夏命惟受罪浮于桀剝喪元良賊虐諫輔謂已  
有天命謂敬不足行謂祭無益謂暴無傷厥  
鑒惟不遠在彼夏王天其以予乂民朕夢協  
朕卜襲于休祥戎商必克受有億兆夷人離  
心離德予有亂臣十人同心同德雖有周親  
不如仁人天視自我民視天聽自我民聽百  
姓有過在予一人今朕必往我武惟揚侵于  
之疆取彼凶殘我伐用張于湯有光勗哉夫

天子將士也

子罔或無畏寧執非敵百姓懍懍若崩厥角  
嗚呼乃一德一心立定厥功惟克永世

秦誓下

厥明戊午之明日也

時厥明王乃大巡六師明誓衆士王曰嗚呼  
我西土君子天有顯道厥類惟彰今商王受  
狎侮五常荒怠弗敬自絕于天結怨于民斲  
朝涉之脛剖賢人之心作威殺戮毒痛四海  
崇信姦回放黜師保屏棄典刑囚奴正士郊  
社不修宗廟不享作奇技淫巧以悅婦人上

斷側畧及斫也

瀆音鋪病也

回邪也

凶



斷也

洪大也

通聲

帝弗順祝降時喪爾其孜孜奉予一人恭行  
 天罰古人有言曰撫我則后虐我則讐獨夫  
 受洪惟作威乃汝世讐樹德務滋除惡務本  
 肆予小子誕以爾眾士殄殲乃讐爾眾士其  
 尚迪果毅以登乃辟功多有厚賞不迪有顯  
 戮嗚呼惟我文考若日月之照臨光于四方  
 顯于西土惟我有周誕受多方予克受非予  
 武惟朕文考無罪受克予非朕文考有罪惟  
 予小子無良

牧誓

時甲子昧爽王朝至于商郊牧野乃誓王左  
 杖黃鉞右秉白旄以麾曰逖矣西土之人王  
 曰嗟我友邦冢君御事司徒司馬司空亞旅  
 師氏千夫長百夫長及庸蜀羌髳微盧彭濮  
 人稱爾戈比爾于立爾矛予其誓王曰古人  
 有言曰牝雞無晨牝雞之晨惟家之索今商  
 王受惟婦言是用昏棄厥肆祀弗答昏棄厥  
 遺王父母弟不迪乃惟四方之多罪逋逃是

昧爽明也昧爽

將明未明之時也

國次也卿之貳大夫是也

之屬土是也

稱舉也戰也此毗至及于捕矛亦戰之屬

釋陳容報也



德也

區勉也伐擊刺也

桓桓官及桓桓威武貌龜類脂反

區迎也

崇是長是信是使是以為大夫卿士俾暴虐于百姓以茲究于商邑今予發惟恭行天之罰今日之事不愆于六步七步乃止齊焉夫子勗哉不愆于四伐五伐六伐七伐乃止齊焉勗哉夫子尚桓桓如虎如貔如熊如羆于商郊弗迓克奔以役西土勗哉夫子爾所弗勗其于爾躬有戮

武成

惟一月壬辰旁死魄越翼日癸巳王朝步自

二月建寅之月旁死魄死魄朔也二日故曰旁死魄翼

明也國始也國生明月三日也

靈速也

年西聖後也

周于征伐商厥四月哉生明王來自商至于豐乃偃武修文歸馬于華山之陽放牛于桃林之野示天下弗服丁未祀于周廟邦甸侯衛駿奔走執豆籩越三日庚戌柴望大告武成既生魄庶邦冢君暨百工受命于周王若曰嗚呼羣后惟先王建邦啓土公劉克篤前烈至于太王肇基王迹王季其勤王家我文考文王克成厥勳誕膺天命以撫方夏大邦畏其力小邦懷其德惟九年大統未集予小



國事也

季末也

國從也

國直及反

子其承厥志底商之罪告于皇天后土所過  
 名山大川曰惟有道曾孫周王發將有大正  
 于商今商王受無道暴殄天物害虐烝民為  
 天下逋逃主萃淵藪予小子既獲仁人敢祗  
 承上帝以遏亂畧華夏蠻貊罔不率俾恭夫  
 成命肆予東征綏厥士女惟其士女篚厥玄  
 黃昭我周王天休震動用附我大邑周惟爾  
 有神尚克相予以濟兆民無作神羞既戊午  
 師渡孟津癸亥陳于商郊俟天休命甲子昧

國典也

國厚也

爽受率其旅若林會于牧野罔有敵于我師  
 前徒倒戈攻于後以北血流漂杵一戎衣天  
 下大定乃反商政政由舊釋箕子囚封比于  
 墓式商容閭散鹿臺之財發鉅橋之粟大賚  
 于四海而萬姓悅服列爵惟五分土惟三建  
 官惟賢位事惟能重民五教惟食喪祭惇信  
 明義崇德報功垂拱而天下治

今考定武成

惟一月壬辰旁死魄越翼日癸巳王朝步自



周于征伐商底商之罪告于皇天后土所過  
名山大川曰惟有道曾孫周王發將有大正  
于商今商王受無道暴殄天物害虐烝民爲  
天下逋逃主萃淵藪予小子既獲仁人敢祗  
承上帝以遏亂略華夏蠻貊罔不率俾惟爾  
有神尚克相予以濟兆民無作神羞既戊午  
師逾孟津癸亥陳于商郊俟天休命甲子昧  
爽受率其旅若林會于牧野罔有敵于我師  
前徒倒戈攻于後以北血流漂杵一戎衣天

下大定乃反商政政由舊釋箕子囚封比于  
墓式商容間散鹿臺之財發鉅橋之粟大賚  
于四海而萬姓悅服厥四月哉生明王來自  
商至于豐乃偃武修文歸馬于華山之陽放  
牛于桃林之野示天下弗服既生魄庶邦冢  
君暨百工受命于周丁未祀于周廟邦甸侯  
衛駿奔走執豆籩越三日庚戌柴望大告武  
成王若曰嗚呼羣后惟先王建邦啓土公劉  
克篤前烈至于太王肇基王迹王季其勤王



家我文考文王克成厥勳誕膺天命以撫方  
夏大邦畏其力小邦懷其德惟九年大統未  
集予小子其承厥志恭天成命肆予東征綏  
厥士女惟其士女篚厥玄黃昭我周王天休  
震動用附我大邑周列爵惟五分土惟二建  
官惟賢位事惟能重民五教惟食喪祭惇信  
明義崇德報功垂拱而天下治

洪範

惟十有三祀王訪于箕子王乃言曰嗚呼箕

國統而履之也

隱職日及定也相  
去聲合聲當倫  
理也

淫音因塞也淫音  
骨亂也陳列也

異與洪大範法傳  
類數音妬敗也

錫賜也

圖厚也

子惟天陰隲下民相協厥居我不知其彝倫  
攸叙箕子乃言曰我聞在昔鯀陞洪水汨陳  
其五行帝乃震怒不畀洪範九疇彝倫攸斁  
鯀則殛死禹乃嗣興天乃錫禹洪範九疇彝  
倫攸叙○初一日五行次二曰敬用五事次  
三曰農用八政次四曰協用五紀次五曰建  
用皇極次六曰乂用三德次七日明用稽疑  
次八曰念用庶徵次九曰嚮用五福威用六  
極○一五行一日水二曰火三曰木四曰金



變於也作爲也

五曰土。水曰潤。下火曰炎。上木曰曲。直金曰  
 從。革土爰稼穡。穡潤下作鹹。炎上作苦。曲直作  
 酸。從革作辛。稼穡作甘。○二五事。一曰貌。二  
 曰言。三曰視。四曰聽。五曰思。貌曰恭。言曰從。  
 視曰明。聽曰聰。思曰睿。恭作肅。從作又。明作  
 哲。聰作謀。睿作聖。○三八政。一曰食。二曰貨。  
 三曰祀。四曰司空。五曰司徒。六曰司寇。七曰  
 賓。八曰師。○四五紀。一曰歲。二曰月。三曰日。  
 四曰星辰。五曰曆數。○五皇極。皇建其有極。

皇若也

濫明邪黨也。比德私相比附也。

欽時五福。用敷錫厥庶民。惟時厥庶民于汝  
 極。錫汝保極。凡厥庶民。無有淫朋。人無有比  
 德。惟皇作極。凡厥庶民。有猷。有爲。有守。汝則  
 念之。不協于極。不罹于咎。皇則受之。而康而  
 色。曰予攸好德。汝則錫之福。時人斯其惟皇  
 之極。無虐筮獨而畏高明。人之有能有爲。使  
 羞其行而邦其昌。凡厥正人。既富方穀。汝弗  
 能。使有好于而家。時人斯其辜于其無好德。  
 汝雖錫之福。其作汝用咎。無偏無陂。遵王之

蓋進也。正人在官之人。當祿之也。國善也。

偏不中。陂不平也。



黨不公也。黨廣遠也。平蒲眠反。平平易也。反倍常也。側不正也。回起語辭。

數言上文敷衍之言也。

曰民之辭。

治也。反順變和也。

義無有作好。遵王之道。無有作惡。遵王之路。無偏無黨。王道蕩蕩。無黨無偏。王道平平。無反無側。王道正直。會其有極。歸其有極。曰：皇極之敷言，是訓是行，以近天子之光。曰：天子作民父母，以為天下王。○六三德：一曰正直，二曰剛克，三曰柔克，平康正直，彊弗友，剛克，燮友，柔克，沉潛剛克，高明柔克，惟辟作福，惟辟作威，惟辟玉食，臣無有作福作威，玉食，臣之

頤不平也。辟不公也。備喻也。感陽德反過也。稽考也。繫絡釋不屬。克交錯有相勝之意。貞悔內卦為貞外卦為悔。初推誠通也。

有作福作威，玉食，其害于而家，凶于而國，人用側頗僻，民用僭忒。○七稽疑：擇建立卜筮，人乃命卜筮。曰：雨，曰：霽，曰：蒙，曰：驛，曰：克，曰：貞。曰：悔，凡七。卜五，占用二，衍忒。立時人作卜筮，三人占，則從二人之言。汝則有大疑，謀及乃心，謀及卿士，謀及庶人，謀及卜筮。汝則從龜，從筮，從卿士，從庶民，從。是之謂大同。身其康彊，子孫其逢吉。汝則從龜，從筮，從卿士，逆庶民，逆吉。卿士從，龜從，筮從，汝則逆，庶民逆，吉。



變驗也

備無缺少也

叙應節侯也應豐茂極備過多也極無過少也

臣妾禮也

憂急慮迫變味也

國泰井反

庶民從龜從筮從汝則逆卿士逆吉汝則從龜從筮逆卿士逆庶民逆作內吉作外凶龜筮共違于人用靜吉用作凶○八庶徵曰雨曰暘曰燠曰寒曰風曰時五者來備各以其叙庶草蕃廡一極備凶一極無凶曰休徵曰肅時雨若曰乂時暘若曰哲時燠若曰謀時寒若曰聖時風若曰咎徵曰狂恒雨若曰僭恒暘若曰豫恒燠若曰急恒寒若曰蒙恒風若曰王省惟歲卿士惟月師尹惟日歲月日

凶不得其死也短折橫天也

鑿牛刀及犬知人心可使者

西旅西方蠻夷國名

時無易百穀用成乂用明俊民用章家用平康日月歲時既易百穀用不成乂用昏不明俊民用微家用不寧庶民惟星星有好風星有好雨日月之行則有冬有夏月之從星則以風雨○九五福一曰壽二曰富三曰康寧四曰攸好德五曰考終命六極一曰凶短折二曰疾三曰憂四曰貧五曰惡六曰弱

### 旅獒

惟克商遂通道于九夷八蠻西旅底貢厥獒



天保召公奭

物方物方土所生之物

圖示也

靈于忍天

圖正也

太保乃作旅葵用訓于王曰嗚呼明王慎德四夷咸賓無有遠邇畢獻方物惟服食器用王乃昭德之致于異姓之邦無替厥服分寶玉于伯叔之國時庸展親人不易物惟德其物德盛不狎侮狎侮君子罔以盡人心狎侮小人罔以盡其力不役耳目百度惟貞玩人喪德玩物喪志志以道寧言以道接不作無益害有益功乃成不貴異物賤用物民乃足犬馬非其土性不畜珍禽奇獸不畜于國不

國猶言萬一也珍持之矜

圖從登反

二公太公召公也

穆敬而有和意穆上猶言共一也

憂惱之意

功事也墀上廣及除地曰墀墀置也

冊祝如今祝版之類

圖遇圖惡禮義也困于元子也

寶遠物則遠人格所寶惟賢則通人安嗚呼夙夜罔或不勤不矜細行終累大德為山九仞功虧一簣允迪茲生民保厥居惟乃世王

金滕

既克商二年王有疾弗豫二公曰我其為王穆卜周公曰未可以戚我先王公乃自以為功為三壇同墀為壇於南方北面周公立焉植璧秉珪乃告太王王季文王史乃冊祝曰惟爾元孫某遘厲虐疾若爾三王是有丕子



之責于天以且代某之身予仁若考能多材  
多藝能事鬼神乃元孫不若且多材多藝不  
能事鬼神乃命于帝庭敷佑四方用能定爾  
子孫于下地四方之民罔不祇畏嗚呼無墜  
天之降寶命我先王亦未有依歸今我即命  
于元龜爾之許我我其以璧與珪歸俟爾命  
爾不許我我乃屏璧與珪乃卜三龜一習吉  
啓籥見書乃并是吉公曰體王其罔害予小  
子新命于三王惟永終是圖茲攸俟能念予

即就也

屏藏也圖重也

圖藏一書之價金  
勝以金織之也  
愈也

孺子成王也辟讀  
為避

謂讀也

一人公歸乃納冊于金勝之匱中王翼日乃  
瘳○武王既喪管叔及其羣弟乃流言於國  
曰公將不利於孺子周公乃告二公曰我之  
弗辟我無以告我先王周公居東二年則罪  
人斯得于後公乃為詩以貽王名之曰鳩鳴  
王亦未敢誚公○秋大熟未獲天大雷電以  
風木盡偃大木斯拔邦人大恐王與大夫盡  
弁以啓金勝之書乃得周公所自以為功代  
武王之說二公及王乃問諸史與百執事對



新當作親

曰信噫公命我勿敢言王執書以泣曰其勿  
穆卜昔公勤勞王家惟予冲人弗及知今天  
動威以彰周公之德惟朕小子其新逆我國  
家禮亦宜之王出郊天乃雨反風未則蓋起  
二公命邦人凡大木所偃盡起而築之歲則  
大熟

大誥

王若曰猷大誥爾多邦越爾御事弗弔天降  
割于我家不少延洪惟我幼冲人嗣無疆大

既發詳辭德書  
咨差之例用極也

已承上語辭已而  
有不能已之意敷  
布賞飾也

歷服弗造哲迪民康矧曰其有能格知天命  
已予惟小子若涉淵水予惟往求朕攸濟敷  
賞敷前人受命茲不忘大功予不敢閉于天  
降威用寧主遺我大寶龜紹天明即命曰有  
大艱于西土西土人亦不靜越茲蠢殺小腆  
誕敢紀其叙天降威知我國有疵民不康曰  
予復反鄙我周邦今蠢今翼日民獻有十夫  
予翼以于救寧武圖功我有大事休朕卜并  
吉肆予告我友邦君越尹氏庶士御事曰予

寧王武王也以其  
克殷以安天下也

蠢動而無知之貌  
興他典反厚也

誕大叙緒也誕才  
支反病也

予往也敘音弭撫  
也武繼也天事我  
事休美也  
肆故也



得吉卜予惟以爾庶邦于伐殷逋播臣爾庶  
 邦君越庶士御事罔不反曰艱大民不靜亦  
 惟在王宮邦君室越予小子考翼不可征王  
 害不違卜肆予冲人末思艱曰嗚呼允蠢鯨  
 寡哀哉予造天役遺大投艱于朕身越予冲  
 人不印自恤義爾邦君越爾多士尹氏御事  
 綏予曰無恣于恤不可不成乃寧考圖功已  
 予惟小子不敢替上帝命天休于寧王興我  
 小邦周寧王惟上用克綏受茲命今天其相

管長也

通為也

印五剛及我也

恣音秘勢也

管悉井友

閱者否閉而不通  
恣者艱難而不易

聖輔也

吾前日也

君翼父敬事者

民矧亦惟上用嗚呼天明畏弼我不丕基王  
 曰爾惟舊人爾丕克遠省爾知寧王若勤哉  
 天閱恣我成功所予不敢不極卒寧王圖事  
 肆予大化誘我友邦君天棐忱辭其考我民  
 予曷其不于前寧人圖功攸終天亦惟用勤  
 恣我民若有疾予曷敢不于前寧人攸受休  
 畢王曰若昔朕其逝朕言艱日思若考作室  
 既底法厥子乃弗肯堂矧肯構厥父菑厥子  
 乃弗肯播矧肯穫厥考翼其肯曰予有後弗



民養未詳睡放也  
欲其舒放而不畏  
縮也  
適明也

棄基肆予曷敢不越印救寧王大命若兄考  
乃有友伐厥子民養其勸弗救王曰嗚呼肆  
哉爾庶邦君越爾御事爽邦由哲亦惟十人  
迪知上帝命越天棐忱爾時罔敢易法矧今  
天降戾于周邦惟大艱人誕鄰胥伐于厥室  
爾亦不知天命不易予求念曰天惟喪殷若  
稽夫予曷敢不終朕畝天亦惟休于前寧人  
予曷其極卜敢弗于從率寧人有指疆土矧  
今卜并吉肆朕誕以爾東征天命不僭卜陳

惟若茲

微子之命

王若曰猷殷王元子惟稽古崇德象賢統承  
先王修其禮物作賓于王家與國咸休末世  
無窮嗚呼乃祖成湯克齊聖廣淵皇天眷佑  
誕受厥命撫民以寬除其邪虐功加于時德  
垂後裔爾惟踐修厥猷舊有令聞恪慎克孝  
肅恭神人予嘉乃德曰篤不忘上帝時歆下  
民祗協庸建爾于上公尹茲東夏欽哉往敷

元子長子也

禮典禮物文物也

國大也

國道也恪敬也

猷饗備用也

平治也



祝輔民法也

聖言亦厭也

乃訓慎乃服命率由典常以蕃王室弘乃烈  
祖律乃有民末綏厥位毗予一人世世享德  
萬邦作式俾我有周無斃嗚呼往哉惟休無  
替朕命

康誥

哉生魄十六日也

原音現

區長也言為諸侯之長也對康叔名

惟二月哉生魄周公初基作新大邑于東國  
洛四方民大和會侯甸男邦采衛百工播民  
和見士于周周公咸勤乃洪大誥治王若曰  
孟侯朕其弟小子封惟乃丕顯考文王克明

備用也

禮壹計及

區音聿述也區服也

由行也區聲而大之也

德慎罰不敢侮鰥寡庸庸祗祗威威顯民用  
肇造我區夏越我一二邦以修我西土惟時  
怙冒聞于上帝帝休天乃大命文王殪戎殷  
誕受厥命越厥邦厥民惟時叙乃寡兄勗肆  
汝小子封在茲東土王曰嗚呼封汝念哉今  
民將在祗通乃文考紹聞衣德言往敷求于  
殷先哲王用保乂民汝丕遠惟商考成人宅  
心知訓別求聞由古先哲王用康保民弘于  
天若德裕乃身不廢在王命王曰嗚呼小子



通音通痛也  
還及病也

服事應和也

氏用也

通偶也

封恫瘝乃身敬哉天畏棐忱民情大可見小  
人難保往盡乃心無康好逸豫乃其又民我  
聞曰怨不在大亦不在小惠不惠懋不懋已  
汝惟小子乃服惟弘王應保殷民亦惟助王  
宅天命作新民王曰嗚呼封敬明乃罰人有  
小罪非眚乃惟終自作不典式爾有厥罪小  
乃不可不殺乃有大罪非終乃惟眚災適爾  
既道極厥辜時乃不可殺王曰嗚呼封有叙  
時乃大明服惟民其勅懋和若有疾惟民其

要囚獄辭之要者

也服念服膺而念  
之旬十日時三月  
斷也義宜也

次舍之次

通順也已語辭之  
不能已也

越越也音閉  
強也惡徒對及惡  
也

畢棄咎若保赤子惟民其康又非汝封刑人  
殺人無或刑人殺人非汝封又曰劓刑人無  
或劓刑人王曰外事汝陳時臬司師茲殷罰  
有倫又曰要囚服念五六日至于旬時丕蔽  
要囚王曰汝陳時臬司罰蔽殷彝用其義刑  
義殺勿庸以次汝封乃汝盡遜曰時叙惟曰  
未有遜事已汝惟小子未其有若汝封之心  
朕心朕德惟乃知凡民自得罪寇攘姦究殺  
越人于貨瞿不畏死罔弗憻王曰封元惡大

文三子

書經



天顯惟孝經所謂  
天明尊卑顯然之  
序也  
兩音的

國說惡及法也言  
民之不率教者固  
可大賞之法也

愍矧惟不孝不友于弗祗服厥父事大傷厥  
考心于父不能字厥子乃疾厥子于弟弗念  
天顯乃弗克恭厥兄兄亦不念鞠子哀大不  
友于弟惟弔茲不于我政人得罪天惟與我  
民彝大泯亂曰乃其速由文王作罰刑茲無  
赦不率大曼矧惟外庶子訓人惟厥正人越  
小臣諸節乃別播敷造民大譽弗念弗庸燠  
厥君時乃引惡惟朕愍已汝乃其速由茲義  
率殺亦惟君惟長不能厥家人越厥小臣外

正惟威惟虐大放王命乃非德用又汝亦罔  
不克敬典乃由裕民惟文王之敬忌乃裕民  
曰我惟有及則予一人以懌王曰封爽惟民  
迪吉康我時其惟殷先哲王德用康又民作  
求矧今民罔迪不適不迪則罔政在厥邦王  
曰封予惟不可不監告汝德之說于罰之行  
今惟民不靜未戾厥心迪屢未同爽惟天其  
罰矧我我其不怨惟厥罪無在大亦無在多  
矧曰其尚顯聞于天王曰嗚呼封敬哉無作

罔止也

罔也



未詳

怨勿用非謀非彝蔽時忱丕則敏德用康乃  
心顧乃德遠乃猷裕乃以民寧不汝戢殄王  
日嗚呼肆汝小子封惟命不于常汝念哉無  
我殄享明乃服命高乃聽用康乂民王若曰  
往哉封勿替敬典聽朕告汝乃以殷民世享

酒誥

王若曰明大命于妹邦乃穆考文王肇國在  
西土厥誥恣庶邦庶士越少正御事朝夕曰  
祀茲酒惟天降命肇我民惟元祀天降威我

敬也或曰文王  
世次為穆  
之副貳也  
少正官

有正有言守者有  
專有職事者  
無母同變常也

嗣續純大也  
鑿敏也服事也賈  
音古  
去聲洗滌典友  
致其潔也他典  
反致其厚也  
與常也蓋養也  
惟君未詳

民用大亂喪德亦罔非酒惟行越小大邦用  
喪亦罔非酒惟辜文王誥教小子有正有事  
無彝酒越庶國飲惟祀德將無醉惟曰我民  
迪小子惟土物愛厥心臧聰聽祖考之彝訓  
越小大德小子惟一妹士嗣爾股肱純其藝  
黍稷奔走事厥考厥長肇牽車牛遠服賈用  
孝養厥父母厥父母慶自洗腆致用酒庶士  
有正越庶伯君子其爾典聽朕教爾大克羞  
考惟君爾乃飲食醉飽不惟曰爾克未觀省



助也用逸用以  
宴樂也

往也輔佐文王  
往日之邦君御事  
小子也

作稽中德爾尚克羞饋祀爾乃自介用逸茲  
乃允惟王正事之臣茲亦惟天若元德末不  
忘在王家王曰封我西土棗祖邦君御事小  
子尚克用文王教不腆于酒故我至于今克  
受殷之命王曰封我聞惟曰在昔殷先哲王  
迪畏天顯小民經德秉哲自成湯咸至于帝  
乙成王畏相惟御事厥棗有恭不敢自暇自  
逸矧曰其敢崇欲越在外服侯甸男衛邦伯  
越在內服百僚庶尹惟亞惟服宗工越百姓

痛也  
靈安也  
張下墜反

里居罔敢湏于酒不惟不敢亦不暇惟助成  
王德顯越尹人祗辟我聞亦惟曰在今後嗣  
王酣身厥命罔顯于民祗保越怨不易誕惟  
厥縱淫泆于非彝用燕喪威儀民罔不盡傷  
心惟荒腆于酒不惟自息乃逸厥心疾很不  
克畏死幸在商邑越殷國滅無罹弗惟德馨  
香祀登聞于天誕惟民怨庶羣自酒腥聞在  
上故天降喪于殷罔愛于殷惟逸天非虐惟  
民自速辜王曰封予不惟若茲多誥古人有



勤五八反用力也

服休坐而論道之  
臣服起而作事  
之臣與畿同所  
父政官司馬也農  
父教官司徒也宏  
父事官司空也  
失也

看者不忘之也斷  
此也指教辭而言  
享上享下之享

言曰人無於水監當於民監今惟殷墜厥命  
我其可不<sub>タ</sub>大監撫于時予惟曰汝劼<sub>ケ</sub>茲殷獻  
臣侯甸男衛矧太史友內史友越獻臣百宗  
工矧惟爾事服休服采矧惟若<sub>ク</sub>疇<sub>ク</sub>所<sub>ク</sub>父薄違  
農父若保宏父定辟矧汝剛制于酒厥或誥  
曰羣飲汝勿佚盡執拘以歸于周予其殺又  
惟殷之迪諸臣惟工乃湏于酒勿庸殺之姑  
惟教之有斯明享乃不用我教辭惟我一人  
弗恤弗縲乃事時同于殺王曰封汝與聽朕

既望十六日也

越若來語辭言召  
公於豐迤邐而來  
也  
駟數尾反月出也  
三日明生之名  
庶殷殷之東庶也

惟二月既望越六日<sub>シ</sub>未王朝步自周則至  
于豐惟太保先周公相宅越若來三月惟丙  
午朏越三日戊申太保朝至于洛卜宅厥既  
得卜則經營越三日庚戌太保乃以庶殷攻  
位于洛汭越五日甲寅位成若翼日乙卯周  
公朝至于洛則達觀于新邑營越三日丁巳  
用牲于郊牛二越翼日戊午乃社于新邑牛  
一羊一豕一越七日甲子周公乃朝用書命  
庶殷侯甸男邦伯厥既命庶庶殷丕作太



保乃以庶邦冢君出取幣乃復入錫周公曰  
拜手稽首旅王若公誥告庶殷越自乃御事  
嗚呼皇天上帝改厥元子茲大國殷之命惟  
王受命無疆惟休亦無疆惟恤嗚呼曷其奈  
何弗敬天既遐終大邦殷之命茲殷多先哲  
王在天越厥後王後民茲服厥命厥終智藏  
瘝在夫知保抱攜持厥婦子以哀籲天祖厥  
亡出執嗚呼天亦哀于四方民其眷命用懋  
王其疾敬德相古先民有夏天迪從子保面

國何也

國何也

稽天若今時既墜厥命今相有殷天迪格保  
面稽天若今時既墜厥命今冲子嗣則無遺  
壽考曰其稽我古人之德矧曰其有能稽謀  
自天嗚呼有王雖小元子哉其不能誠于小  
民今休王不敢後用顧畏于民若王來紹上  
帝自服于土中旦曰其作大邑其自時配皇  
天毖祀于上下其自時中又王厥有成命治  
民今休王先服殷御事比介于我有周御事  
節性惟曰其邁王敬作所不可不敬德我不

和也

國何也

王中洛邑天地之中故謂之土中

文正書

書經

十四



可不監于有夏亦不可不監于有殷我不敢  
知曰有夏服天命惟有歷年我不敢知曰不  
其延惟不敬厥德乃早墜厥命我不敢知曰  
有殷受天命惟有歷年我不敢知曰不其延  
惟不敬厥德乃早墜厥命今王嗣受厥命我  
亦惟茲二國命嗣若功王乃初服嗚呼若生  
子罔不在厥初生自貽哲命今天其命哲命  
吉凶命歷年知今我初服宅新邑肆惟王其  
疾敬德王其德之用祈天末命其惟王勿以

元首也

舊民殷之頑民友  
民周之友順之民  
未終也

復如後述之復

小民淫用非彝亦敢殄戮用乂民若有功其  
惟王位在德元小民乃惟刑用于天下越王  
顯上下勤恤其曰我受天命丕若有夏歷年  
式勿替有殷歷年欲王以小民受天末命拜  
手稽首曰予小臣敢以王之讐民百君子越  
友民保受王威命明德王末有成命王亦顯  
我非敢勤惟恭奉幣用供王能祈天末命

洛誥

周公拜手稽首曰朕復子明辟王如弗敢及



保太保

洛師猶言京師也

灋音履食吏先定  
墨而灼龜之兆正  
食其墨也  
亦補耕及使也

匹配也

視示也

貞猶當也

殷盛也

天基命定命予乃亂保大相東土其基作民  
明辟予惟乙卯朝至于洛師我卜河朔黎水  
我乃卜澗水東灋水西惟洛食我又卜灋水  
東亦惟洛食俘來以圖及獻卜王拜手稽首  
曰公不敢不敬天之休來相宅其作周匹休  
公既定宅俘來來視予卜休恒吉我二人共  
貞公其以予萬億年敬天之休拜手稽首誨  
言周公曰王肇稱殷禮祀于新邑咸秩無文  
予齊百工俘從王于周予惟曰庶有事今王

功宗功之尊顯者

功載記功之載籍  
也明比也

卽命日記功宗以功作元祀惟命曰汝受命  
篤弼不視功載乃汝其悉自教工孺子其朋  
孺子其朋其往無若火始燄燄厥攸灼叙弗  
其絕厥若彝及撫事如予惟以在周工往新  
邑俘嚮卽有僚明作有功惇大成裕汝未有  
辭公曰已汝惟冲子惟終汝其敬識百辟享  
亦識其有不享享多儀儀不及物惟曰不享  
惟不役志于享凡民惟曰不享惟事其爽侮  
乃惟孺子頌朕不暇聽朕教汝于棊民彝汝



禮記正義卷之五十五  
王也猶今稱先生

既至也

將大也

旁無方所也

穆穆和敬也

治也

乃是不獲乃時惟不來哉篤叙乃正父罔不  
若予不敢廢乃命汝往敬哉茲予其明農哉  
彼裕我民無遠用戾王若曰公明保予冲子  
公稱不顯德以予小子揚文武烈奉答天命  
和恒四方民居師惇宗將禮稱秩元祀威秩  
無文惟公德明光于上下勤施于四方旁作  
穆穆迓衡不迷文武勤教予冲子夙夜恭祀  
王曰公功斐迪篤罔不若時王曰公予小子  
其退即辟于周命公後四方迪亂未定于宗

將大也

定止也

戰漢書兩引之以  
哉作我

與典章也殷獻民  
殷之賢者也

多子象卿大夫也

師象也季信也考  
成也刑儀刑也

禮亦未克救公功迪將其後監我士師工誣  
保文武受民亂為四輔王曰公定予往已公  
功肅將祗歡公無困哉我惟無斁其康事公  
勿替刑四方其世享周公拜手稽首曰王命  
予來承保乃文祖受命民越乃光烈考武王  
弘朕恭孺子來相宅其大惇典殷獻民亂為  
四方新辟作周恭先曰其自時中又萬邦咸  
休惟王有成績予且以多子越御事篤前人  
成烈答其師作周孚先考朕昭予刑乃單文

文三音訓

書經下

二十七



相白許及黑黍也  
五亮及鬱金草也  
也自音田中尊也  
明潔禋音因敬也  
宿與顧命三宿之  
宿同進爵也  
禋祭名  
厭於豔反  
承聽受也餽教條  
次第也

遷史佚也王賓猶  
虞賓祀宋之屬  
國古玩及權也

祖德侔來恣殷乃命寧予以秬鬯二卣曰明  
禋拜手稽首休享予不敢宿則禋于文王武  
王惠篤叙無有違自疾萬年厭于乃德殷乃  
引考王侔殷乃承叙萬年其末觀朕子懷德  
戊辰王在新邑烝祭歲文王騂牛一武王騂  
牛一王命作冊逸祝冊惟告周公其後王賓  
殺禋咸格王入太室裸王命周公後作冊逸  
誥在十有二月惟周公誕保文武受命惟七  
年

多士

惟三月周公初于新邑洛用告商王士王若  
曰爾殷遺多士弗弔旻天大降喪于殷我有  
周佑命將天明威致王罰勅殷命終于帝肆  
爾多士非我小國敢弋殷命惟天不畀允罔  
固亂弼我我其敢求位惟帝不畀惟我下民  
秉為惟天明畏我聞曰上帝引逸有夏不適  
逸則惟帝降格嚮于時夏弗克庸帝大淫泆  
有辭惟時天罔念聞厥惟廢元命降致罰乃

弗弔未詳意其為  
歎憫之辭

取也



命爾先祖成湯革夏後民旬四方自成湯至  
 于帝乙罔不明德恤祀亦惟天不建保乂有  
 殷殷王亦罔敢失帝罔不配天其澤在今後  
 嗣王誕罔顯于天矧曰其有聽念于先王勤  
 家誕淫厥泆罔顧于天顯民祗惟時上帝不  
 保降若茲大喪惟天不界不明厥德凡四方  
 小大邦喪罔非有辭于罰王若曰爾殷多士  
 今惟我周王不靈承帝事有命曰割殷告勅  
 于帝惟我事不貳適惟爾王家我適予其曰

天音通

通音也

惟爾洪無度我不爾勅自乃邑予亦念天即  
 于殷大戾肆不正王曰猷告爾多士予惟時  
 其遷居西爾非我一人奉德不康寧時惟天  
 命無違朕不敢有後無我怨惟爾知惟殷先  
 人有冊有典殷革夏命今爾其曰夏迪簡在  
 王庭有服在百僚予一人惟聽用德肆予敢  
 求爾于天邑商予惟率肆矜爾非予罪時惟  
 天命王曰多士昔朕來自奄予大降爾四國  
 民命我乃明致天罰移爾遐逝比事臣我宗



駁事也正居也

多遜王曰告爾殷多士。今予惟不爾殺。予惟時命有申。今朕作大邑于茲洛。予惟四方罔攸賓。亦惟爾多士攸服。奔走臣我多遜。爾乃尚有爾土。爾乃尚寧。幹止爾克敬。天惟畀矜爾。爾不克敬。爾不啻不有爾土。予亦致天之罰于爾躬。今爾惟時宅爾邑。繼爾居。爾厥有幹。有年于茲。洛爾小子乃興從爾。遷王曰。又曰。時予乃或言爾攸居。

無逸

周公曰。嗚呼。君子所其無逸。先知稼穡之艱難。乃逸。則知小人之依。相小人。厥父母勤勞稼穡。厥子乃不知稼穡之艱難。乃逸。乃諺既誕。否則侮厥父母。曰昔之人無聞。知周公曰。嗚呼。我聞曰。昔在殷土。中宗嚴恭。寅畏天命。自度治民。祇懼不敢荒寧。肆中宗之享國。七十有五年。其在高宗時。舊勞于外。爰暨小人。作其即位。乃或亮陰。二年不言。其惟不言。言乃雍。不敢荒寧。嘉靖殷邦。至于小大。無時或

音梁陶音卷

雍和也



怨肆高宗之享國五十有九年其在祖甲不  
 義惟王舊為小人作其即位爰知小人之依  
 能保惠于庶民不敢侮鰥寡肆祖甲之享國  
 三十有二年自時厥後立王生則逸生則逸  
 不知稼穡之艱難不聞小人之勞惟耽樂之  
 從自時厥後亦罔或克壽或十年或七八年  
 或五六年或四三年周公曰嗚呼厥亦惟我  
 周太王王季克自抑畏文王卑服即康功田  
 功徽柔懿恭懷保小民惠鮮鰥寡自朝至于

康功安民之功田  
 功養民之功  
 徽懿皆美也

則法也

無與毋通皇與違  
 通訓法若順則法  
 也

胥相訓誡順也

謂張流及誑也張  
 誕也幻音患變名  
 易實以眩觀者曰  
 幻

日中昃不遑暇食用咸和萬民文王不敢盤  
 于遊田以庶邦惟正之供文王受命惟中身  
 厥享國五十年周公曰嗚呼繼自今嗣王則  
 其無淫于觀于逸于遊于田以萬民惟正之  
 供無皇曰今日耽樂乃非民攸訓非天攸若  
 時人不則有愆無若殷王受之迷亂酗于酒  
 德哉周公曰嗚呼我聞曰古之人猶胥訓告  
 胥保惠胥教誨民無或胥講張為幻此厥不  
 聽人乃訓之乃變亂先王之正刑至于小大



否俯久反詛莊助  
反祝音咒

通詛音智也

繩尺約及大也

鑿聚也

民否則厥心違怨否則厥口詛祝周公曰嗚呼自殷王中宗及高宗及祖甲及我周文王茲四人迪哲厥或告之曰小人怨汝詈汝則皇自敬德厥愆曰朕之愆允若時不啻不敢含怒此厥不聽人乃或譸張為幻曰小人怨汝詈汝則信之則若時不末念厥辟不寬綽厥心亂罰無罪殺無辜怨有同是叢于厥身周公曰嗚呼嗣王其監于茲

君奭

周公若曰君奭弗弔天降喪于殷殷既墜厥命我有周既受我不敢知曰厥基末孚于休若天棗忱我亦不敢知曰其終出于不祥嗚呼君已曰時我我亦不敢寧于上帝命弗末遠念天威越我民罔尤違惟人在我後嗣子孫大弗克恭上下遏佚前人先在家不知大命不易天難諶乃其墜命弗克經歷嗣前人恭明德在今予小子且非克有正迪惟前人光施于我冲子又曰天不可信我道惟寧主

謹時壬友



德延天不庸釋于文王受命公曰君與我聞  
在昔成湯既受命時則有若伊尹格于皇天  
在太甲時則有若保衡在太戊時則有若伊  
陟臣扈格于上帝成王在祖乙時則  
有若巫賢在武丁時則有若甘盤率惟茲有  
陳保又有殷故殷禮陟配天多歷年所天惟  
純佑命則商實百姓王人罔不秉德明恤小  
臣屏侯甸矧咸奔走惟茲惟德稱用又厥辟  
故一人有事于四方若卜筮罔不是孚公曰

陟升遐也

甲重靈也

國莫結反無也  
括

君與天壽平格保又有殷有殷嗣天滅威今  
汝永念則有固命厥亂明我新造邦公曰君  
與在昔上帝割申勸寧王之德其集大命于  
厥躬惟文王尚克修和我有夏亦惟有若鏡  
叔有若閔大有若散宜生有若泰顛有若南  
宮括又曰無能往來茲迪彝教文王茂德降  
于國人亦惟純佑秉德迪知天威乃惟時昭  
文王迪見冒聞于上帝惟時受有殷命哉武  
王惟茲四人尚迪有祿後暨武王誕將天威

文正音訓

書經下

三十三



劉授也通盡也

咸劉厥敵。惟茲四人。昭武王。惟冒丕單。無德。今在予小子。且若游大川。予往暨汝。奭其濟。小子同。未在位。誕無我責。收罔勗。不及。奇造。德不降。我則鳴鳥。不聞矧。曰其有能格。公曰。嗚呼。君肆其監于茲。我受命無疆。惟休亦大。惟艱告君。乃猷裕。我不以後人。迷公曰。前人敷乃心。乃悉命。汝作汝民極。曰汝明勗。偶王在。亶乘茲大命。惟文王德丕承。無疆之恤。公曰。君告汝。朕允保奭。其汝克敬。以予監于殷。

圖大也

圖部部及天否大

圖勝也戰也通

喪大否肆念我天威。予不允。惟若茲。諾予。惟曰。襄我二人。汝有合哉。言曰。在時二人。天休。滋至。惟時二人。弗戢。其汝克敬。德明我俊民。在讓後人。于不時。嗚呼。篤集時二人。我式克。至于今日。休我咸成。文王功于不怠。丕冒海。隅出日罔不率。俾公曰。君予不惠。若茲多諾。予惟用閔于天。越民公曰。嗚呼。君惟乃知民德。亦罔不能厥初。惟其終祗。若茲往敬。用治。

蔡仲之命

文王時

書經

三十四



惟周公位冢宰。正百工。羣叔流言。乃致辟管叔于商。囚蔡叔于郭鄰。以車七乘。降霍叔于庶人。三年不齒。蔡仲克庸。祇德周公。以為卿士。叔卒。乃命諸王。邦之蔡王。若曰。小子胡。惟爾率德。改行克慎。厥猷肆予。命爾侯于東土。往卽乃封。敬哉。爾尚蓋前人之愆。惟忠惟孝。爾乃邁迹。自身克勤。無怠以垂憲。乃後率乃祖文王之彝訓。無若爾考之違王命。皇天無親。惟德是輔。民心無常。惟惠之懷。為善不同。

同歸于治。為惡不同。同歸于亂。爾其戒哉。慎厥初。惟厥終。終以不困。不惟厥終。終以困窮。懋乃攸績。睦乃四鄰。以蕃王室。以和兄弟。康濟小民。率自中無作。聰明亂舊。音詳乃視聽。罔以側言。改厥度。則予一人汝嘉。王曰。嗚呼。小子胡。汝往哉。無荒棄朕命。

多方

惟五月丁亥。王來自奄。至于宗周。周公曰。王若曰。猷告爾四國多方。惟爾殷侯尹民。我惟

率作無母同

側言一偏之言也

無與母通



勸勉也通音迫也

甲始也

及 同他刀及履涉利

大降爾命爾罔不知洪惟圖天之命弗求寅  
 念于祀惟帝降格于夏有夏誕厥逸不肯感  
 言于民乃大淫昏不克終日勸于帝之迪乃  
 爾攸聞厥圖帝之命不克開于民之麗乃大  
 降罰崇亂有夏因甲于內亂不克靈承于旅  
 罔不惟進之恭洪舒于民亦惟有夏之民叨  
 憤日欽劓割夏邑天惟時求民主乃大降顯  
 休命于成湯刑殄有夏惟天不界紕乃惟以  
 爾多方之義民不克求于多享惟夏之恭多

簡擇也

士大不克明保享于民乃胥惟虐于民至于  
 百為大不克開乃惟成湯克以爾多方簡代  
 夏作民主慎厥麗乃勸厥民刑用勸以至于  
 帝乙罔不明德慎罰亦克用勸要囚殄戮多  
 罪亦克用勸開釋無辜亦克用勸今至于爾  
 辟弗克以爾多方享夫之命嗚呼王若曰誥  
 告爾多方非天庸釋有夏非天庸釋有殷乃  
 惟爾辟以爾多方大淫圖天之命屑有辭乃  
 惟有夏圖厥政不集于享夫降時喪有邦間



之乃惟爾商後王逸厥逸圖厥政不蠲烝天  
 惟降時喪惟聖罔念作狂惟狂克念作聖天  
 惟五年須臾之子孫誕作民主罔可念聽天  
 惟求爾多方大動以威開厥顧天惟爾多方  
 罔堪顧之惟我周王靈承于旅克堪用德惟  
 典神天天惟式教我用休簡畀殷命尹爾多  
 方今我曷敢多誥我惟大降爾四國民命爾  
 曷不忱裕之于爾多方爾曷不夾介又我周  
 王享天之命今爾尚宅爾宅畋爾田爾曷不

與王國用也

惠王熙天之命爾乃迪屢不靜爾心未愛爾  
 乃不大宅天命爾乃屑播天命爾乃自作不  
 典圖忱于止我惟時其教告之我惟時其戰  
 要囚之至于再至于三乃有不用我降爾命  
 我乃其大罰殛之非我有周秉德不康寧乃  
 惟爾自速辜王曰嗚呼猷告爾有方多士暨  
 殷多士今爾奔走臣我監五祀越惟有昏伯  
 小大多正爾罔不克臬自作不和爾惟和哉  
 爾室不睦爾惟和哉爾邑克明爾惟克勤乃

圖監洛邑之遷民者也



政正音訓  
恩更也穆穆和敬  
貌

事爾尚不忌于凶德亦則以穆穆在乃位克  
閱于乃邑謀介爾乃自時洛邑尚求力畋爾  
田天惟界矜爾我有周惟其大介賚爾迪簡  
在王庭尚爾事有服在大僚王曰嗚呼多士  
爾不克勸忱我命爾亦則惟不克享凡民惟  
曰不享爾乃惟逸惟頗大遠王命則惟爾多  
方探天之威我則致天之罰離逖爾土王曰  
我不惟多誥我惟祗告爾命又曰時惟爾初  
不克敬于和則無我怨

立政

周公若曰拜手稽首告嗣天子王矣用咸戒  
于王曰王左右常伯常任準人綴衣虎賁周  
公曰嗚呼休茲知恤鮮哉古之人迪惟有夏  
乃有室大競顛俊尊上帝迪知忱恂于九德  
之行乃敢告教厥后曰拜手稽首后矣曰宅  
乃事宅乃牧宅乃準茲惟后矣謀面用丕訓  
德則乃宅人茲乃三宅無義民桀德惟乃弗  
作往任是惟暴德罔後亦越成湯陟丕釐上

國朱衛下劣二反  
賈音奔

圖音荷



國光也

惟志武法也

置刑進任刑戮者也  
也厥習備諸象醜者也

備者并牧其地什伍其民也

帝之耿命乃用二有宅克卽宅曰三有俊克  
卽俊嚴惟丕式克用三宅三俊其在商邑用  
協于厥邑其在四方用丕式見德嗚呼其在  
受德賢惟羞刑暴德之人同于厥邦乃惟庶  
習逸德之人同于厥政帝欽罰之乃俾我有  
夏式商受命奄甸萬姓亦越文王武王克知  
三有宅心灼見三有俊心以敬事上帝立民  
長伯立政任人準夫牧作三事虎賁綴衣趣  
馬小尹左右攜僕百司庶府大都小伯藝人

張象也

率道也殺功安天下之功

表臣百司太史尹伯庶常吉士司徒司馬司  
空亞旅夷微盧烝二毫阪尹文王惟克厥宅  
心乃克立茲常事司牧人以克俊有德文王  
罔攸兼于庶言庶獄庶慎惟有司之牧夫是  
訓用違庶獄庶慎文王罔敢知于茲亦越武  
王率惟救功不敢替厥義德率惟謀從容德  
以並受此丕丕基嗚呼孺子王矣繼自今我  
其立政立事準人牧夫我其克灼知厥若不  
乃俾亂相我受民和我庶獄庶慎時則勿有



問之自一話一言。我則未惟成德之彥。以父  
我受民嗚呼。予且已受人之微言。咸告孺子  
王矣。繼自今。文子文孫。其勿誤于庶獄庶慎。  
惟正是又之自。古商人亦越我周文王立政。  
立事。牧夫準人。則克宅之。克由繹之。茲乃俾  
又國。則罔有立政。用儉人。不訓于德。是罔顯  
在厥世。繼自今立政。其勿以儉人。其惟吉士。  
用勤相我國家。今文子文孫。孺子王矣。其勿  
誤于庶獄。惟有司之牧夫。其克詰爾戎兵。以

謂治也

勸音通勉也

覲見也

陟禹之迹。方行天下。至于海表。罔有不服。以  
覲文王之耿光。以揚武王之太烈。嗚呼。繼自  
今後。王立政。其惟克用常人。周公若曰。太史  
司寇蘇公式敬爾由獄。以長我王國。茲式有  
慎。以列用中罰。

周官

惟周王撫萬邦。巡侯甸。四征弗庭。綏厥兆民。  
六服羣辟。罔不承德。歸于宗周。董正治官。王  
曰。若昔大猷。制治于未亂。保邦于未危。曰唐

謂言也

庭直也



虞稽古建官惟百。內有百揆。四岳外有州牧。侯伯。庶政惟和。萬國咸寧。夏商官倍。亦克用。又明王立政。不惟其官。惟其人。今予小子。祗勤于德。夙夜不逮。仰惟前代。時若訓迪。厥官立太師。太傅。太保。茲惟三公。論道經邦。燮理陰陽。官不必備。惟其人。少師。少傅。少保。曰三孤。貳公。弘化宣流。天地弼予。一人冢宰。掌邦治。統百官。均四海。司徒掌邦教。敷五典。擾兆民。宗伯掌邦禮。治神人。和上下。司馬掌邦政。

國制也

統六師。平邦國。司寇掌邦禁。詰姦慝。刑暴亂。司空掌邦土。居四民。時地利。六卿分職。各率其屬。以倡九牧。阜成兆民。六年五服一朝。又六年。王乃時巡。考制度。于四岳。諸侯各朝于方岳。大明黜陟。王曰。嗚呼。凡我有官君子。欽乃攸司。慎乃出令。令出惟行。弗惟反。以公滅私。民其允懷。學古入官。議事以制。政乃不迷。其爾典常。作之師。無以利口。亂厥官。蓄疑敗謀。怠忽荒政。不學牆面。蒞事惟煩。戒爾卿士。

國制也



都玩反

莫江反

亦舉也

功崇惟志業廣惟勤惟克果斷乃罔後艱位  
不期驕祿不期後恭儉惟德無載爾偽作德  
心逸日休作偽心勞日拙居寵思危罔不惟  
畏弗畏入畏推賢讓能庶官乃和不和政靡  
舉能其官惟爾之能稱匪其人惟爾不任王  
曰嗚呼三事暨大夫敬爾有官亂爾有政以  
佐乃辟永康兆民萬邦惟無斁

君陳

王若曰君陳惟爾令德孝恭惟孝友于兄弟

克施有政命汝尹茲東郊敬哉昔周公師保  
萬民民懷其德往慎乃司茲率厥常懋昭周  
公之訓惟民其乂我聞曰至治馨香感于神  
明黍稷非馨明德惟馨爾尚式時周公之猷  
訓惟日孜孜無敢逸豫凡人未見聖若不能  
見既見聖亦不能由聖爾其戒哉爾惟風下  
民惟草圖厥政莫或不艱有廢有興出入自  
爾師虞庶言同則繹爾有嘉謀嘉猷則入告  
爾后于內爾乃順之于外曰斯謀斯猷惟我

圖衆虞也



后之德嗚呼臣人咸若時惟良顯哉王曰君  
陳爾惟弘周公丕訓無依勢作威無倚法以  
削寬而有制從容以和殷民在辟予曰辟爾  
惟勿辟予曰宥爾惟勿宥惟厥中有弗若于  
汝政弗化于汝訓辟以止辟乃辟扭于姦究  
敗常亂俗三細不宥爾無忿疾于頑無求備  
于一夫必有忍其乃有濟有容德乃大簡厥  
修亦簡其或不修進厥良以率其或不良惟  
民生厚因物有遷違上所命從厥攸好爾克

皇正音

敬典在德時乃罔不變允升于大猷惟予一  
人膺受多福其爾之休終有辭於末世

顧命

惟四月哉生魄王不懌甲子王乃洮頰水相  
被冕服憑玉几乃同召太保奭芮伯彤伯畢  
公衛侯毛公師氏虎臣百尹御事王曰嗚呼  
疾大漸惟幾病曰臻既彌留恐不獲茲言嗣  
茲予審訓命汝昔君文王武王宣重光奠麗  
陳教則肄肄不違用克達殷集大命在後之

皇正音

皇正音

皇正音

皇正音



改正音訓

侗敬逐天威嗣守文武大訓無敢昏逾今天

降疾殆弗興弗悟爾尚明時朕言用敬保元

子釗弘濟于艱難柔遠能邇安勸小大庶邦

思夫人自亂于威儀爾無以釗冒貢于非幾

茲既受命還出綴衣于庭越翼日乙丑王崩

太保命仲桓南官毛俾爰齊侯呂伋以二于

戈虎賁百人逆于釗於南門之外延入翼室

恤宅宗丁卯命作冊度越七日癸酉伯相命

士須材狄設黼宸綴衣牖間南嚮敷重篋席

因也因生時所設也

黼純華玉仍几西序東嚮敷重底席綴純文

貝仍几東序西嚮敷重豐席畫純雕玉仍几

西夾南嚮敷重筍席玄紛純漆仍几越玉五

重陳寶赤刀大訓弘璧琬琰在西序大玉夷

玉天球河圖在東序胤之舞衣大貝設鼓在

西房兌之戈和之弓垂之竹矢在東房大輅

在賓階山綬輅在阼階面先輅在左塾之前

次輅在右塾之前一人雀弁執惠立于畢門

之內四人綦弁執戈上刃夾兩階祀一人冕

同音

亂治也

音旋

延引也

須取也

國於阮及國以再反

徒外反

惠三隅牙

肥鉏里及堂廉



劉錡屬

錡音送錡屬錡

錡當作銳音九侍臣所執兵屬後西反升也

同屬名

魯大同君也

下法也

眇小而如亂治也

進野也陸陸錄反莫爵也

才諳反以酒至齒也居也

布陳也乘四馬也諸侯皆陳四黃馬而朱其鬣以為廷實也稱舉也義宜也

執劉立于東堂一人冕執鉞立于西堂一人

冕執戣立于東垂一人冕執鬯立于西垂一

人冕執鏡立于側階王麻冕黼裳由賓階降

卿士邦君麻冕蟻裳入即位太保太史太宗

皆麻冕彤裳太保承介圭上宗奉同瑁由阼

階齊太史秉書由賓階降御王冊命曰皇后

憑玉几道揚末命命汝嗣訓臨君周邦率循

大卞煥和天下用答揚文武之光訓王再拜

興答曰眇眇予末小子其能而亂四方以敬

忌天威乃受同瑁王三宿三祭三啜上宗曰

饗太保受同降盥以異同秉璋以酢授宗人

同拜王答拜太保受同祭齊宅授宗人同拜

王答拜太保降收諸侯出廟門俟

康王之誥

王出在應門之內太保率西方諸侯入應門

左畢公率東方諸侯入應門右皆布乘黃朱

賓稱奉圭兼幣曰一二臣衛敢執壤奠皆再

拜稽首王義嗣德答拜太保暨芮伯咸進相



天以九及美若未  
詳或曰美里之囚  
文王出美里之囚  
天命自是始順  
升遐也武王初崩  
未諡故曰新陟王  
畢也  
畢大也

揖皆再拜稽首曰敢敬告天子皇天改大邦  
殷之命惟周文武誕受美若克恤西土惟新  
陟王畢協賞罰戡定厥功用敷遺後人休今  
王敬之哉張皇六師無壞我高祖寡命王若  
曰庶邦侯甸男衛惟予一人釗報誥昔君文  
武丕平富不務咎底至齊信用昭明于天下  
則亦有熊羆之士不二心之臣保乂王家用  
端命于上帝皇天用訓厥道付畀四方乃命  
建侯樹屏在我後之人今予一二伯父尚胥

暨顧綏爾先公之臣服于先王雖爾身在外  
乃心罔不在王室用奉恤厥若無遺鞠于羞  
羣公既皆聽命相揖趨出王釋冕反喪服

畢命

惟十有二年六月庚午朏越三日壬申王朝  
步自宗周至于豐以成周之衆命畢公保釐  
東郊王若曰嗚呼父師惟文王武王敷大德  
于天下用克受殷命惟周公左右先王綏定  
厥家茲殷頑民遷于洛邑密邇王室式化厥

畢也



惡在大之意

訓既歷三紀世變風移四方無虞予一人以  
 寧道有升降政由俗革不臧厥臧民罔攸勸  
 惟公懋德克勤小物弼亮四世正色率下罔  
 不祇師言嘉績多于先王予小子垂拱仰成  
 王曰嗚呼父師今予祇命公以周公之事往  
 哉旌別淑慝表厥宅里彰善癉惡樹之風聲  
 弗率訓典殊厥井疆俾克畏慕申畫郊圻慎  
 固封守以康四海政貴有恒辭尚體要不惟  
 好異商俗靡靡利口惟賢餘風未殄公其念

善惡也 早反病也

僂古在反

哉我聞曰世祿之家鮮克由禮以蕩陵德實  
 悖天道敝化奢麗萬世同流茲殷庶士席寵  
 惟舊怙侈滅義服美于人驕淫矜侈將由惡  
 終雖收放心閑之惟艱資富能訓惟以末年  
 惟德惟義時乃大訓不由古訓于何其訓王  
 曰嗚呼父師邦之安危惟茲殷士不剛不柔  
 厥德允修惟周公克慎厥始惟君陳克和厥  
 中惟公克成厥終三后協心同底于道道洽  
 政治澤潤生民四夷左衽罔不咸賴予小子



未膺多福。公其惟時。成周建無窮之基。亦有無窮之聞。子孫訓其成式。惟又嗚呼。罔曰弗克。惟既厥心。罔曰民寡。惟慎厥事。欽若先王。成烈以休于前政。

君牙

王若曰。嗚呼。君牙。惟乃祖乃父。世篤忠貞。服勞王家。厥有成績。紀于太常。惟予小子。嗣守文武成康遺緒。亦惟先王之臣。克左右亂四方。心之憂危。若蹈虎尾。涉于春冰。今命爾子

翼作股肱。心膂。績乃舊服。無忝祖考。弘敷五典。式和民則。爾身克正。罔敢弗正。民心罔中。惟爾之中。夏暑雨。小民惟曰。怨咨。冬祁寒。小民亦惟曰。怨咨。厥惟艱哉。思其艱。以圖其易。民乃寧。嗚呼。丕顯哉。文王謨。丕承哉。武王烈。啓佑我後人。咸以正罔缺。爾惟敬明。乃訓用奉。若于先王。對揚文武之光命。追配于前人。王若曰。君牙。乃惟由先正。舊典時式。民之治亂在茲。率乃祖考之攸行。昭乃辟之有乂。



問命

王若曰。伯冏。惟予弗克于德。嗣先人宅不后。怵惕惟厲。中夜以興。思免厥愆。昔在文武。聰明齊聖。小大之臣。咸懷忠良。其侍御僕從。罔匪正人。以旦夕承弼厥辟。出入起居。罔有不欽。發號施令。罔有不臧。下民祗若。萬邦咸休。惟予一人無良。實賴左右前後有位之士。匡其不及。繩愆糾謬。格其非心。俾克紹先烈。今予命汝作大正。正于羣僕侍御之臣。懋乃后

繩直糾正也

從之即反

禮記也

德交修不逮慎簡乃僚無以巧言令色便辟側媚其惟吉士僕臣正厥后克正僕臣諛厥后自聖后德惟臣不德惟臣爾無昵于儉人充耳目之官迪上以非先王之典非人其吉惟貨其吉若時瘝厥官惟爾大弗克祗厥辟惟予汝辜王曰嗚呼欽哉末弼乃后于彝憲

呂刑

惟呂命王享國百年耄荒度作刑以詰四方王曰若古有訓蚩尤惟始作亂延及于平民



編以鳴張跋扈  
為義矯支矯詐處  
劉也

混派昏也  
反變也

清問虛心而問也

罔不寇賊鳴義姦宄奪攘矯虔苗民弗用靈  
制以刑惟作五虐之刑曰法殺戮無辜爰始  
淫為劓則椽黥越茲麗刑并制罔差有辭民  
興胥漸泯泯焚焚罔中于信以覆詛盟虐威  
庶戮方告無辜于上帝監民罔有馨香德  
刑發聞惟腥皇帝哀矜庶戮之不辜報虐以  
威遏絕苗民無世在下乃命重黎絕地天通  
罔有降格羣后之逮在下明明棗常鯨寡無  
蓋皇帝清問下民鯨寡有辭于苗德威惟畏

德明惟明乃命三后恤功于民伯夷降典折  
民惟刑禹平水土主名山川稷降播種農殖  
嘉穀三后成功惟殷于民士制百姓于刑之  
中以教祇德穆穆在土明明在下灼于四方  
罔不惟德之勤故乃明于刑之中率乂于民  
棗彝典獄非訖于威惟訖于富敬忌罔有擇  
言在身惟克天德自作元命配享在下王曰  
嗟四方司政典獄非爾惟作天牧今爾何監  
非時伯夷播刑之迪其今爾何懲惟時苗民

龜盡也



附也

格至也

畏威古通用辟之也

休有之也

解刑刑凶器也而謂之祥者刑期無刑祥莫大焉

匪察于獄之麗罔擇吉人觀于五刑之中惟時庶威奮貨斷制五刑以亂無辜上帝不蠲降咎于苗苗民無辭于罰乃絕厥世王曰嗚呼念之哉伯父伯兄仲叔季弟幼子童孫皆聽朕言庶有格命今爾罔不由慰曰勤爾罔或戒不勤天齊于民俾我一日非終惟終在入爾尚敬逆天命以奉我一人雖畏勿畏雖休勿休惟敬五刑以成三德一人有慶兆民賴之其寧惟未王曰吁來有邦有土告爾祥

及遠也兩造兩爭者皆至也五辭麗於五刑之辭簡核其實也乎無可疑也罰贖也過誤也

緩胡闕及六兩曰緩闕視也

倍差倍而又差五百緩也

刑在今爾安百姓何擇非人何敬非刑何度非及兩造具備師聽五辭五辭簡乎正于五刑五刑不簡正于五罰五罰不服正于五過五過之疵惟官惟反惟內惟貨惟來其罪惟均其審克之五刑之疑有赦五罰之疑有赦其審克之簡乎有衆惟貌有稽無簡不聽具嚴天威墨辟疑赦其罰百鍰閱實其罪劓辟疑赦其罰惟倍閱實其罪剕辟疑赦其罰倍差閱實其罪宮辟疑赦其罰六百鍰閱實其



改正音訓  
類也

此附也罪無正律則以上下刑而比附其罪也亂辭辭之不可聽者不行舊有是法而今不行者

罪大辟疑赦其罰千錢。閱實其罪墨罰之屬。千。劓罰之屬。千。剕罰之屬。五百。官罰之屬。三百。大辟之罰。其屬二百。五刑之屬。三千。上下比罪。無僭亂辭。勿用不行。惟察惟法。其審克之上刑。適輕。下服。下刑。適重。上服。輕重諸罰。有權刑罰。世輕世重。惟齊非齊。有倫有要。罰懲非死人。極于病。非佞折獄。惟良折獄。罔非在中。察辭于差。非從。惟從。哀敬折獄。明啓刑書。胥占咸庶。中正其刑。其罰其審。克之獄成。

單辭無證之辭也

也

府聚也軍功猶言罪狀也

五極五刑也書卷師象也

而乎輸而乎其刑。上備有并兩刑。王曰。嗚呼。敬之哉。官伯族姓。朕言多懼。朕敬于刑。有德惟刑。今天相民作配。在下明清于單辭。民之亂罔不中聽。獄之兩辭。無或私家于獄。兩辭獄貨非寶。惟府辜功。報以庶尤。末畏惟罰。非天不中。惟人在命。天罰不極。庶民罔有令政。在于天下。王曰。嗚呼。嗣孫。今往何監。非德于民之中。尚明聽之哉。哲人惟刑。無疆之辭。屢于五極。咸中有慶。受王嘉師。監于茲祥刑。



文侯之命

王若曰。父義和不顯。文武克慎明德。昭升于  
 上。敷聞在下。惟時上帝集厥命于文王。亦惟  
 先正克左右。昭事厥辟。越小大謀猷。罔不率  
 從。肆先祖懷在位。嗚呼。閔予小子。嗣造天丕  
 愆。殄資澤于下民。侵戎我國家。純卽我御事。  
 罔或者壽俊在厥服。予則罔克。曰。惟祖惟父。  
 其伊恤朕躬。嗚呼。有績予一人。未綏在位。父  
 義和汝克昭。乃顯祖。汝肇刑文武。用會紹乃

罔憐也。歎而自痛傷也。  
純大也。

辟。追孝于前文人。汝多修扞我于艱。若汝予  
 嘉。王曰。父義和。其歸視爾師。寧爾邦。用賚爾  
 秬鬯一卣。彤弓一彤矢百。盧弓一盧矢百。馬  
 四匹。父往哉。柔遠能邇。惠康小民。無荒寧簡  
 恤。爾都用。成爾顯德。

費誓

公曰。嗟。人無譁聽命。但茲淮夷。徐戎並興。善  
 教乃甲冑。敵乃干無敢不弔。備乃弓矢。鍛乃  
 戈矛。礪乃鋒刃。無敢不善。今惟淫舍牯牛馬。

祖。茲猶曰往者。  
連條反。離完也。  
舉天及猶擊也。  
用音的。精至也。  
國大也。猶音谷。開  
牧也。



改正音義  
胡化反機微也  
乃結反塞也

時丈理反儲備也  
去九反

國總俞反音英

杜乃獲斂乃寔無敢傷牯牯之傷汝則有常刑馬牛其風臣妾逋逃勿敢越逐祗復之我商賚汝乃越逐不復汝則有常刑無敢寇攘踰垣墻竊馬牛誘臣妾汝則有常刑甲戌我惟征徐戎峙乃糗糧無敢不逮汝則有大刑魯人三郊三遂峙乃楨榦甲戌我惟築無敢不供汝則有無餘刑非殺魯人三郊三遂峙乃芻蕘無敢不多汝則有大刑

秦誓

匱盡也匱安也

馬疾稱且也

匿音波番番老貌

佻佻勇貌截截辭給貌

介強也斷斷誠一之貌  
語辭休休易直好

公曰嗟我士聽無譁予誓告汝羣言之首古人有言曰民訖自若是多盤責人斯無難惟受責俾如流是惟艱哉我心之憂日月逾邁若弗云來惟古之謀人則曰未就予忌惟今之謀人姑將以為親雖則云然尚猷詢茲黃髮則罔所愆番番良士旅力既愆我尚有之佻佻勇夫射御不違我尚不欲惟截截言諠言俾君子易辭我皇多有之昧昧我思之如有一介臣斷斷猗無他技其心休休焉其如



改正音訓  
善之意

藏主也。圓忌也。

既五骨反。隍五結反。既隍不安也。隍安也。

有容人之有技。若已有之人之彥。聖其心好之。不啻如自其口出。是能容之。以保我子孫。黎民亦職有利哉。人之有技。冒疾以惡之人之彥。聖而違之。俾不達。是不能容。以不能保我子孫。黎民亦曰。殆哉。邦之既隍。曰由一人。邦之榮懷。亦尚一人之慶。

書經終

書經下

五十四



